



Anna Wangenheim
Inatsisartunut ilaasortaq, Demokraatit

§ 37 naapertorlugu apeqqutip nr. 134/2024-p akineqarnera

Asasara Anna Wangenheim

Inatsisartut suleriaasianni § 37, imm. 1 naapertorlugu Naalakkersuisunut apeqqutinik saqqummiussaqaqputit. Naalakkersuisunut Apeqqutip uannut akisassanngorlugit innersuussutigineqartut qujassutigaaakka. Apeqqutip issuarneqartarput tamatumalu kingorna akineqarlutik.

24-06-2024
Suliap normua 2024 - 12785
All. nr. 23102322

Postboks 1160
Oqarasuaat:
34 50 00
Fax: 34 55 05
3900 Nuuk

Mail: pn@naaq.gl
www.naalakkersuisut.gl

1. Naartuersittarneq pillugu inatsisip tiguneqarnissaa sumut killippa?

Akissut:

Inatsisartunut aalajangiiffissatut tunngavissaasinnaasumik aalajangiiffissatut allakkiamik suliqaartoqarpoq, taamaalilluni sapinngisamik piaarnerpaamik tigusinissaq pissamat. Suliqaq tamanna danskit oqartussaasui attuumassuteqartut suleqatigalugit pivoq. Suliqaq taanna peqqissutsimut suliassaqaqfiit sinnerinut tunngavoq, takuuk Namminersorneq pillugu inatsimmut ilanngussaq 1, litra b, tassaasoq:

- Toqusimasunik misissuisarnerit, toqusimasunik ammartiteralutik misissuinerit aamma inuup atortuinik taarsersuinerit il.il.,
- Naartuersittarnerit aamma naartunik ikilisaanerit.
- Qilertinneq qinersillu kinguaassiutit peerneqarnerat.

Peqqissutsimut suliassaqaqfiit sinnerisa tigunissaannut Inatsisartut aalajangiiffissaattut siunnersuummik Inatsisartut 2025-mi ataatsimiinneranni Naalakkersuisut saqqummiussaqaqarnissartik anguniarpaat.

1 a. Maanna inatsit atuuttoq malillugu naartuersinnissamut killigitap nammineq aalajangiiffiginissaanut maani sunik periarfissaqaqarput Danmarkimi tamatuma sapaatip akunnerinit 12-nit 18-inut 2025-mi qaffanneqarnissaata ilimanaateqarnera eqqarsaatigalugu.

Akissut:

Naartuersittarneq pillugu inatsit suliassaqaqfinit 1. Januar 1992-imi tiguneqanngitsut ilagaat, taamaattumillu maanna danskit malittarisassiorfigaat. Apeqqummut 1-mut akissummi qulaani oqaatigineqartumi piaarnerpaamik tiguneqarnissaa sulissutigineqarpoq. Peqqissutsimut suliassaqaqfiit sinnerisa tiguneqarnissaat Inatsisartut akuerissappatigik, naartuersittarneq pillugu inatsimik nutartikkamik kinguninngua saqqummiussisoqarnissaa naatsorsuutigineqarpoq.

Suliassaqarfiup tiguneqarnissaata tungaanut danskit oqartussaasuinik oqaloqateqarnerup kingorna inatsimmik attuumassuteqartumut naleqqussaansam qinnuiginninniarpuq. Suliassaqarfiulli tiguneqarnissaata ukkatarineqarnissaa Naalakkersuisut naleqqunnerusoraat, tamatumalu kingorna inatsisip nutarterneqarnissaa.

1 b. Nunatsinni niviarsissat 15-17-inik ukiullit angajoqqaaminnik akuersititseqqaaratik naartuersissinnaanissaannut nammineq aalajangernissamut sunik periarfissaqarpugut. Tamanna Danmarkimi 2025-mi piviusunngortussaagunarnera eqqarsaatigalugu.

Akissut:

Apeqquut 1a-mut akissut innersuussutigineqarpoq.

2. Naartuersittarnermut killiliussap sapaatip akunnerinit 12-nit 18-imut qaffaasoqarnissaanut Naalakkersuisut qanoq isumaqarpat?

Akissut:

Naartuersittarnermut killiliussap sapaatip akunnerinit 12-nit 18-inut qaffanneqarnissaanut iluaqutit aamma ajoqutaasullu oqaluuserinissaannut Naalakkersuisut ammapput. Tamatumunnga aalajangiisoqartinnagu sammisaq pillugu innuttaasut aamma suliaqartut oqaloqatigiinnermut peqataatinneqarnissaat Naalakkersuisut pisariaqarsoraat. Maani nunatsinni pissutsit nunani allanit allaanerujussuupput, ullumikkut sapaatip akunneri 12-it qaangiunneranni naartuersinnissamik qinnuteqartut qanoq amerlassusaat kiisalu kingusinaarluni naartuersinnissamut qinnuteqarnermut pissutaasut ilanngullugit. Taamaattumik aalajangiinerit peqqissutsimik suliaqartut aamma ileqqorissaarnissamut ajornartorsiutit qulaajarluaqqaarlugit suliarineqarnissaat, Naalakkersuisunut pingaaruteqarput. Aammattaaq Kalaallit Nunaanni naartuersittartut amerlassusaasa ukiorpassuarni nunanut allanut sanillersuuttakkatsinnut nalinginnaanngitsumik qaffasissumik inissisimanerat Naalakkersuisut maluginiarpaat. Tamanna arnanut amerlasuunut ajortumik kinguneqartarpoq. Taamaakkaluartoq inatsisip nutarterneqarnerata saniatigut naartuersittarnerit ikilinneqarnissaannut pitsaaliuinerinik arlalinnik ingerlatsisoqarnissaa, Naalakkersuisut pingaartippaat.

3. Nivissanut 15-17-inik ukiullit angajoqqaaminnik akuersititseqqaaratik naartuersissinnaanissaannut Naalakkersuisut qanoq isumaqarpat?

Akissut:

Arnat timertik pillugu nammineq aalajangersinnaanermut pisinnaatitaanerat Naalakkersuisut tapersorsorpaat, taamaattumillu tamatuma soqutigisaqartut attuumassuteqartut suleqatigalugit inatsisip naleqqussarneqarnissaanut misissuerusupput. Inatsisip allannngortinneqarsinnaanera inuusuttut taakku taamatut aalajangernerminni siunnersorneqarnissamik aamma suliamik ilisimasaqartunit ilitserorneqarnissamik pisariaqartitsippata, kisimiittutut misiginnginnissaannut suliniutinik ilalerneqarnissaat pingaaruteqarpoq. Peqqissutsimut suliassaqarfiit sinnerisa tiguneqarnissaat naammassineqassappat, aalajangersagaq taamaattoq sunnerneqartunut tapersersuisumik illersuisumillu qanoq isikkoqarsinnaanersoq, Naalakkersuisut misissorniarpaa.

4. Nunatsinni naartuersittarnermut killigititap qaffanneqarnissaanut UPA 2024-mi Naalakkersuisut siunnersuuteqarniarpat?

Akissut:

Naamik. Peqqissutsimut suliassaqarfiit sinnerisa tiguneqarnissaat Naalakkersuisut ukkappaat, tamatumalu kingorna inatsimmut inuiaqatigiinnut naleqqussakkamik siunnersuutininik suliaqassaagut.

Apeqquummut 1-mut akissut ilanngullugu takuuk.

5. Nivissanut 15-17-inik ukiulinnut angajoqqaat akuersiteqqaarnagit naartuersissinnaanissamut, UPA 2024-mi Naalakkersuisut siunnersuummi saqqummiussaqaarniarpat?

Akissut:

Apeqquummut 3-mut akissutigineqartoq innersuussutigineqarpoq.

Naalakkersuisut pineqartumut allanik paasissutissiisinnaanerlutik?

Akissut:

Naamik.

Inussiarnersumik inuulluaqqusillunga


Agathe Fontain
Peqqissutsimut Naalakkersuisoq